

## **Давлат дастурига асосан 2019 йилда ирригация-мелиорация лойиҳалари доирасида амалга оширилган ишлар тўғрисида маълумот**

Ўзбекистон Республикасининг 2019 йилга мўлжалланган Инвестиция дастури ҳамда 2019 йилги асосий макроиқтисодий кўрсаткичлари прогнози ва Давлат бюджети параметрларига асосан марказлаштирилган капитал маблағлар ҳисобидан ирригация ва мелиорация обьектларини қуриш ва реконструкция қилиш тадбирларига 1795,3 млрд. сўм, бюджет маблағлари ҳисобидан мелиорация обьектларини тизимли таъмирлаш-тиклаш ишларига 289,7 млрд. сўм, жами 2085,0 млрд. сўм маблағлар ажратилган.

2019 йил қурилиш манзилли рўйхатига 358 та ирригация, 185 та мелиорация обьектларини қуриш ва реконструкция қилиш ҳамда 362 та мелиорация обьектларини тизимли таъмирлаш-тиклаш ишлари лойиҳалари доирасида қўйидаги ишлар амалга оширилган.

### **Ирригация обьектларини қуриш ва реконструкция қилиш тадбирларида:**

Ирригация обьектларини қуриш ва реконструкция қилиш ишларига 1476,7 млрд. сўм (йиллик лимитга нисбатан 105%) ўзлаштирилиб, 605,1 км каналлар, 111,4 км лоток тармоқлари, 58 дона гидротехник иншоотлар, насос станцияларининг 9,1 км босимли қувурлари, умумий сув чиқариш қобилияти 8,0 м<sup>3</sup>/сек. бўлган насос станциялари, 103 дона тик суғориш қудуқларини қуриш ва реконструкция қилиш ҳамда 15,0 км қирғоқларни мустаҳкамлаш ишлари амалга оширилган.

### **Мелиоратив обьектларни қуриш ва реконструкция қилиш тадбирларида:**

Мелиорация обьектларини қуриш ва реконструкция қилиш ишларига 404,1 млрд. сўм (йиллик лимитга нисбатан 105%) ўзлаштирилиб, 879,7 км очиқ коллектор тармоқлари, 329,6 км ёпиқ коллектор-дренаж тармоқлари, 95 дона мелиоратив тик қудуқлар, 2 дона мелиоратив насос станциялари ва 260 дона гидротехник иншоотларда қуриш ва реконструкция қилиш ишлари амалга оширилган.

### **Мелиоратив обьектларни таъмирлаш-тиклаш тадбирларида:**

Мелиорация обьектларини таъмирлаш-тиклаш ишларига 303,3 млрд. сўм (йиллик лимитга нисбатан 105%) ўзлаштирилиб, 13,86 минг км коллектор-дренаж тармоқлари, 459 дона мелиоратив тик қудуқлар, 13 дона насос агрегатлари, 168 дона гидротехник иншоотлар, 40 дона сув ўлчаш иншоотлари, 1549 дона қувурли ўтиш жойлари, 1146 дона назорат қудуқлари таъмирланган ва тикланган.

## **Биринчи ярим йилликда ирригация объектларини қуриш ва реконструкция қилиш ишлари 83 %га бажарилди**

**05.08.2019 17:18**

Күрилди: 1244

Жорий йилнинг биринчи ярим йиллигига мамлакатимизда ирригация объектларини қуриш ва реконструкция қилиш бўйича жами 866,2 млрд. сўм (йиллик лимитга нисбатан 83 %) капитал маблағ ўзлаштирилди. Ушбу маблағлар ҳисобига 379,1 км умумий узунликдаги каналлар, 63,2 км лоток тармоқлари, 28 дона гидротехник иншоотлар, насос станцияларнинг 5,3 км узунликдаги босимли қувурлари, 19 дона тик суғориш қудукларида қуриш ва реконструкция қилиш ҳамда 10,9 км узунликда қирғоқларни мустаҳкамлаш ишлари амалга оширилди.

Умуман, 2019 йилда бу борада 1040,5 млрд. сўм капитал маблағ лимити ажратилган. Шунинг ҳисобига, жами 345 та, шу жумладан 127 та йилдан йилга ўтувчи ва 218 та янгидан бошланувчи объектларни қуриш кўзда тутилган. Мазкур объектларда 576,3 км умумий узунликдаги каналлар, 129,4 км лоток тармоқлари, 65 дона гидротехник иншоотлар, насос станцияларнинг 9,1 км узунликдаги босимли қувурлари, умумий сув чиқариш қуввати 8,0 м<sup>3</sup>/сек. бўлган насос станциялари, 86 дона тик суғориш қудуклари, умумий сифими 35,1 млн. куб метр бўлган сув омборларини қуриш ва реконструкция қилиш ҳамда 16,1 км узунликда қирғоқларни мустаҳкамлаш ишларини амалга ошириш режалаштирилган.

**Матбуот хизмати**

## **Олти ойда мелиорация объектларини қуриш ва реконструкция қилиш бўйича 209,7 млрд. сўм ўзлаштирилди**

**05.08.2019 18:19**

Кўрилди: 1317

Жорий йилнинг биринчи ярим йиллигига мамлакатимизда мелиорация объектларини қуриш ва реконструкция қилиш бўйича 209,7 млрд. сўм (йиллик режага нисбатан 60 %) капитал маблағлар ўзлаштирилди. Шунинг ҳисобига 607,6 км очик, 141,7 км ёпиқ-ётиқ дренаж тармоқлари, 41 дона гидротехник иншоотлар, 61 дона мелиоратив тик қудуқлар қуриш ва реконструкция қилиш ишлари амалга оширилди.

2019 йил якунигача бу борада жами 350,8 млрд.сўм капитал маблағ лимити ажратилган. Ушбу маблағлар 183 та, шу жумладан 82 та йилдан йилга ўтувчи ва 101 та янгидан бошланувчи объектларни қуришга йўналтирилади. Мазкур объектларда 911,6 км узунликдаги очик, 318,9 км узунликдаги ёпиқ-ётиқ дренаж тармоқлари, 272 дона гидротехник иншоотлар, 98 дона мелиоратив тик қудуқлар, 2 дона мелиоратив насос станцияларини қуриш ва реконструкция қилиш ишларини амалга ошириш режалаштирилган.

Шунингдек, мелиорация объектларини таъмирлаш-тиклаш ишларига жорий йил учун 288,7 млрд.сўм капитал маблағ лимити ажратилган. Ушбу маблағлар ҳисобига жами 361 та, шу жумладан 146 та йилдан йилга ўтувчи ва 215 та янгидан бошланувчи объектларни қуриш мўлжалланган.

Биринчи ярим йилликда бу борада 219 млрд. сўм (йиллик режага нисбатан 76%) маблағ ўзлаштирилиб, 10449,8 км узунликдаги коллектор тармоқлари таъмирланди.

***Матбуот хизмати***

## Томчилатиб суғориш – самарали усул

04.06.2019 10:30

Кўрилди: 1438

Дунё тажрибасида ўзини оқлаётган энг самарали усул – экинни томчилатиб суғоришdir. Зеро, мутахассислар мазкур усулга бежиз кам сув сарфлаб барқарор ва юқори ҳосил олиши омили сифатида таъриф беришмайди. Бинобарин, бу технология тупроқ намлигини сақлаб, сув микдорини бошқариш, уни ҳар бир экиннинг эҳтиёжига мос равишда тақсимлаш имконини беради. Илдиз ривожланувчи тупроқ қатламида ўсимлик учун мақбул бўлган сув-физик муҳит яратилади. Ўғит сув билан бирга берилгани боис қатор ораларига техника билан ишлов беришга зарурат қолмайди.

Президентимизнинг 2018 йил 27 декабрдаги “Пахта хом ашёсини етиштиришда томчилатиб суғориш технологияларидан кенг фойдаланиш учун қулай шарт-шароитлар яратишга оид кечиктириб бўлмайдиган чора-тадбирлар тўғрисида”ги қарорига мувофиқ томчилатиб суғориш технологиясини қўллаб, пахта хом ашёси етиштирувчиларга бир қатор имтиёзлар берилган. Шу билан бирга, давлат бюджети маблағлари ҳисобидан пахта хом ашёси ишлаб чиқарувчиларига томчилатиб суғориш технологияларини қўллаш учун ҳар гектарига 8 миллион сўм субсидия тақдим этилади.

Бугунги кунда мамлакатимизда ғўза ва бошқа қишлоқ хўжалик экинларини томчилатиб суғориша технологиясини жорий этиш борасида кенг кўламли ишлар амалга оширилмоқда. Жумладан, бу борада Андижон вилоятида амалга оширилаётган ишлар эътиборга молик.

Жорий йилда вилоятнинг Балиқчи туманидаги “Жўраев Дурбек”, “Бурхон”, Избоскан туманидаги “Файзли Замин инвест”, “Буюк бетакрор диёр”, “Асронов Элмурод”, Булоқбоши туманидаги “Булоқбошилик агроном Азимжон”, Жалақудук туманидаги “Қорапўлат ерлари”, Олтинкўл туманидаги “Баҳт имкон ривож”, Пахтаобод туманидаги “Жиянбек Тожибай”, “Гулзор оқ олтини”, “Супургебеков Юсупжон”, Хўжаобод туманидаги “Чилустун оқ олтини”, Кўрғонтепа туманидаги “Жонтўра ерлари” фермер хўжаликлари ҳамда “Хантекс Аргосервис” кластерининг ғўза етиштириладиган жами 361 гектар майдонида томчилатиб суғориш технологияси татбиқ этилмоқда. Ҳозирга қадар шунинг 306 гектарида томчилатиб суғориш технологияси қурилиб, ишга туширилди. Қолган майдонларда ҳам қурилиш-монтаж ишлари яқунига етказилмоқда.

Қурилиш-монтаж ишлари “Eco Drip Lux” МЧЖ, “Agrodrip” корхонаси, “Netafim” компанияси томонидан олиб борилмоқда.

Маълумот учун: пахта хом ашёсини етиштиришда томчилатиб суғориш технологияси қўлланилганда минерал ўғитлар самарадорлиги 30 фоиз ортиб, сув сарфи гектарига 40–50, ёнилғи 60 фоиз қисқаришига эришилди. Ғўзанинг биологик пишиш муддати 12–15 кунга тезлашиб, ҳосилдорлик 20–30 центнерга кўпаяди.

**Матбуот хизмати**